



# GREENHILL PUBLIC SCHOOL

RAJIV GANDHI STADIUM ROAD, MUALPUI

[www.greenhillpublicschool.com](http://www.greenhillpublicschool.com)

Motto: TRANSFORMING EDUCATION

greenhillpublicschool15@gmail.com

Contact – 9436371417

Date 15/10/2024

Vol. No. 115

## GPS NEWS LETTER

Greenhill Public School hi zirlaite *Pathian ringtu tha tak* (Committed believer), *khawvel pum huapa duai lo* (Internationally competent), *kan hnam nuna zung nghet taka kaih* (Culturally rooted) ni tura buatsaih tumna (MISSION) nei a din a ni. World class education pe turin kan inbuatsaih mek zel a ni.

Dated 24<sup>th</sup> March 2015 khan Board meeting hmasa ber kan nei a, 6<sup>th</sup> April 2015 khan class kan tan a, tunah chuan kum kua leh thla sarih laia upa kan lo ni ve ta. Pathian min hruaina kan thlir letin lawmthu sawi tur tam tak kan nei a ni. Chuvangin ‘**hei hi LALPA TIH A NI,**’ tiin kan mit ngei in a makzia kan hmu a ni.

Second Evaluation kan zo leh ta a, Date 15/ Oct/2024 (Tuesday) hian result kan chhuah a, date 16/Wednesday) khian School tan leh tur a ni.

- Holiday hman dan:** Zirlaite hi School chawlh hun chung hian assignment kan pek bakah mahni in lamah an chungte tanpui tura tih an ni a, Class IV-VIII zirlaite chuan chungkua an tanpui dan leh hun an hman dan ziakin an hotute hnenah an theh lut vek tur a ni. Journal anga ziaik tur a ni a, nu leh pa ten an countersign zel tur a ni.
- Class IX hawn chungchang:** Kum 2025-26 academic year hi kum 10 kan tlinna tur a ni, rokhawlhna danglam tak a awm a nih loh chuan Pathian tanpuina zarah GPS kum 10 lawm nan Class IX hawn tum a ni. National Education Policy duh dan in class XII pawh kan tin zawn nghal a tul a.
- Hmalakna:** Class IX-XII hi Secondary stage kum 4 chung zirna hun a ni. He hun - kum 14-18 chung hi mihring nunah hun pawimawh tak a ni. Zirlai tan an kawng zawh tur thlanna hun a ni. Hmanlai anga tawng pawng lehkha zir ngawt ngawt chi a ni lo. Chuvangin GPS-ah chuan Class IX chu directive education a ni ang.
  - Classroom chu smart class a ni ang.
  - Library hran siam sak an ni ang.
  - Counselling and career guidance pek an ni ang.
  - Uluk taka vil bik an ni ang.
  - Class IX zir tur tan kan sikul chhuak tan pawh admission test a ni ang:
    - Academic subjects- English, Maths, Hindi leh GK test a ni ang.
    - Personal Interview a awm ang.
    - Nu/Pa kawmna neih a ni ang.
  - Admission fee Rs 6000 a ni ang a, monthly fee Rs 3000 a ni ang.
  - CBSE Board kan zawm theih hma chuan MBSE kan zawm ang.
  - National Three Language Formula- English, Mizo leh Hindi te hi thiam tir ngei kan tum a ni.
  - Science Laboratory tha tak nei turin hma lak mek a ni

School lam theih tawpin kan inbuatsaih a. World Class Education pek tumin hma kan la zel a. IT (computer), Music, Fine Art, Physical education, Swimming class kan tan mek a, vocational subject chi hrang hrang naupang duh thlan turin kan buatsaih mek a ni.

4. **Admission chungchang:** Hetiang hian kum 2025-26 atan Admission hawn a ni ang.

- (1) Kg I Admission chu November 2024 atangin hawn a ni ang.
- (2) Class KG 2—Class VIII chu December thla atangin hawn tan a ni ang.
- (3) Class IX admission chu January 2025 atangin hawn a ni ang.

Admission atana document ngaite:

Adhaar card, Birth Certificate. School dang atanga lo kal tur tan Marksheet a ngai.

Rev. Dr. K. Thanzauva

Director/Principal